



CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Na osnovu Sporazuma o saradnji na realizaciji projekta "Subvencioniranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo", broj 05-11-28601/20 od 02.09.2020. godine Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo raspisuje

JAVNI POZIV

Za izbor korisnika subvencioniranja troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo"

1. PREDMET JAVNOG POZIVA

Predmet Javnog poziva je prikupljanje prijava i utvrđivanje rang liste za subvencioniranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo", a u cilju implementacije Studije izvodljivosti o proširenju i poboljšanju sistema daljinskog grijanja u Kantonu Sarajevo.

2. USLOVI ZA SUBVENCIONIRANJE TROŠKOVA UGRADNJE INDIVIDUALNIH MJERILA TOPLOTNE ENERGIJE

1. Pravo učešća na ovom Javnom pozivu imaju korisnici usluge:

- Etažni vlasnici u objektima kolektivnog stanovanja (građevina kao cjelina) koji su spojeni na zajedničku instalaciju centralnog grijanja objekta i zajedničko mjerilo toplotne energije,
- Etažni vlasnici u dijelu objekta kolektivnog stanovanja (ulaz) koji su spojeni na zajedničku instalaciju centralnog grijanja dijela objekta (ulaza) i zajedničko mjerilo toplotne energije za taj dio objekta (ulaz) i
- Vlasnici individualnih stambenih objekata.

Zainteresovani korisnici usluge iz tačke 1. a) i 1. b) moraju ispunjavati sljedeće uslove:

- Da posjeduju Zapisnik sa izjavom svih etažnih vlasnika da pristaju na izvođenje neophodnih radova na ugradnji individualnih mjerila toplotne energije i naplatu prema očitanoj potrošnji nakon ugradnje, a u skladu sa odobrenim Tarifnim sistemom KJKP "Toplane-Sarajevo", te da će nakon ugradnje individualnih mjerila zaključiti pojedinačne ugovore o korištenju toplotne energije,



- b) Da nema isključenih korisnika usluge sa zajedničkih instalacija centralnog grijanja objekta ili dijela objekta bez saglasnosti KJKP "Toplane-Sarajevo".

Zainteresovani korisnici usluge iz tačke 1. c) moraju ispunjavati sljedeći uslov:

- a) Da nije isključen iz centralnog toplifikacionog sistema bez saglasnosti KJKP "Toplane-Sarajevo".

3. KRITERIJI ZA BODOVANJE

Kriteriji za određivanje broja bodova i utvrđivanje reda prvenstva kandidata na rang listi su:

- | | |
|--|-----------|
| 1. Nosilac subvencije troškova grijanja za centralno grijanje (za sezonu 2020/2021.), na osnovu Uredbe o subvencioniranju troškova grijanja (Službene novine Kantona Sarajevo br. 4/05, 7/08, 37/13, 51/14, 8/18 i 9/19) | 20 bodova |
| 2. Samohrani roditelj | 15 bodova |
| 3. Osoba sa invaliditetom | 15 bodova |
| 4. Domaćinstvo sa djetetom sa posebnim potrebama | 15 bodova |
| 5. Nosilac domaćinstva – nezaposlena osoba | 15 bodova |
| 6. Nosilac domaćinstva – penzioner | 15 bodova |
| 7. Svi ostali nosioci domaćinstva koji ispunjavaju opće uslove | 5 bodova |

Broj bodova za objekat ili dio objekta na zajedničkom mjerilu toplotne energije iz tačke II 1. a) i II 1. b) izračunava se kao: ukupan broj bodova svih etažnih vlasnika / ukupan broj etažnih vlasnika.

Broj bodova za individualni stambeni objekat iz tačke II 1. c) izračunava se na osnovu gore navedenih kriterija.

U slučaju istog broja bodova prednost imaju objekti/djelovi objekata koji imaju veći procenat naplate. U slučaju objekata kolektivnog stanovanja procenat se odnosi na procenat naplate na zajedničkom mjerilu toplotne energije.

4. DOKUMENTACIJA UZ PRIJAVU ZA JAVNI POZIV

1. Kandidati su dužni, uz Prijavu koja sadrži adresu stanovanja i kontakt telefon, dostaviti dokaze o ispunjavanju uslova iz tačke II Javnog poziva i to:

Za korisnike usluge iz tačke II 1. a) i b):

- a) Dokaz o vlasništvu (ZK izvadak izdat od strane Zemljišno-knjižnog ureda Općinskog suda u Sarajevu ne stariji od 6 mjeseci) ili dokaz o pravnom osnovu korištenja prostorija, u originalu ili ovjerenoj kopiji,
- b) Zapisnik sa izjavom svih etažnih vlasnika da pristaju na izvođenje neophodnih radova na ugradnji individualnih mjerila toplotne energije i naplatu prema očitanoj potrošnji nakon ugradnje, a u skladu sa odobrenim Tarifnim sistemom KJKP "Toplane-Sarajevo", te da će nakon ugradnje individualnih mjerila zaključiti pojedinačne ugovore o korištenju toplotne energije,
- c) Potvrda da nema isključenih korisnika usluge sa zajedničkih instalacija centralnog grijanja izdata od strane KJKP "Toplane-Sarajevo", ne starija od trideset (30) dana.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



- d) Potvrda da su izmirena dugovanja prema KJKP "Toplane-Sarajevo" izdata od strane KJKP "Toplane-Sarajevo", ne starija od trideset (30) dana,
- e) Potvrda o procentu naplate na zajedničkom mjerilu toplotne energije izdata od strane KJKP "Toplane-Sarajevo", ne starija od trideset (30) dana.

Za korisnike usluge iz tačke II 1. c):

- a) Dokaz o vlasništvu (ZK izvadak izdat od strane Zemljišno-knjižnog ureda Općinskog suda u Sarajevu ne stariji od 6 mjeseci) ili dokaz o pravnom osnovu korištenja individualnog objekta, u originalu ili ovjerenj kopiji,
 - b) Potvrda da nije isključen iz centralnog toplifikacionog sistema izdata od strane KJKP "Toplane-Sarajevo", ne starija od trideset (30) dana,
 - c) Izjavu da će nakon ugradnje mjerila zaključiti ugovor o korištenju toplotne energije
 - d) Potvrda o procentu naplate izdata od strane KJKP "Toplane-Sarajevo", ne starija od trideset (30) dana.
2. Kandidati koji ispunjavaju kriterije iz tačke III Javnog poziva, potrebno je da dostave dokaze i to:
- a) Rješenje o subvencioniranju troškova grijanja (za sezonu 2019/2020.) u ovjerenj kopiji, samo za ona domaćinstva čiji je nosilac korisnik subvencije troškova grijanja na osnovu Uredbe o subvencioniranju troškova grijanja,
 - b) Kućna lista kao dokaz da je kandidat samohrani roditelj u originalu ili ovjerenj kopiji, ne starija od trideset (30) dana,
 - c) Rješenje o invalidnosti kao dokaz da je kandidat osoba sa invaliditetom u ovjerenj kopiji, ne starije od trideset (30) dana,
 - d) Ček od penzije kao dokaz da je nosilac domaćinstva penzioner u originalu ili ovjerenj kopiji, ne stariji od trideset (30) dana,
 - e) Potvrda od JU "Služba za zapošljavanje Kantona Sarajevo", kao dokaz da je nosilac domaćinstva nezaposlena osoba, u originalu ili ovjerenj kopiji, ne stariji od trideset (30) dana,
 - f) Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u ovjerenj kopiji.
 - g) Izjavu korisnika da je saglasan da će, ukoliko bude potrebno, iz ličnih sredstava finansirati razliku troškova između maksimalno odobrenog iznosa od 800 KM bez PDV i stvarnih troškova utvrđenih predmjerom i predračunom materijala i radova iz projektne dokumentacije.

Maksimalan iznos subvencioniranja troškova ugradnje individualnih mjerila toplotne energije iznosi: 800,00 KM bez PDV-a po korisniku usluge iz tačke II 1. a), b) i c).

Troškovi ugradnje individualnog mjerila toplotne energije uključuju:

- Troškove radova, opreme i materijala na rekonstrukciji/izgradnji individualnih mjernih mjesta,
- Troškove radova, opreme i materijala na rekonstrukciji unutrašnjih instalacija centralnog grijanja objekta/dijela objekta, sa ciljem ugradnje individualnih mjerila toplotne energije,
- Troškove izrade projektne dokumentacije za rekonstrukciju/izgradnju individualnih mjernih mjesta i rekonstrukciju unutrašnjih instalacija centralnog grijanja objekta/dijela objekta, sa ciljem ugradnje individualnih mjerila toplotne energije.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1



Sredstva za ugradnju individualnih mjerila toplotne energije su ograničena, a obezbijedena su iz Budžeta Kantona Sarajevo.

Prednost za subvencioniranje imaju objekti sa većim brojem bodova na Javnom pozivu. U slučaju istog broja bodova prednost imaju objekti/dijelovi objekata koji imaju veći procenat naplate. U slučaju objekata kolektivnog stanovanja procenat se odnosi na procenat naplate na zajedničkom mjerilu toplotne energije.

Prijave kandidata se dostavljaju putem pošte ili na protokol KJKP "Toplane-Sarajevo" d.o.o. Sarajevo, na adresu Semira Frašte 22, 71000 Sarajevo. Na kovertu posebno staviti oznaku:

"Prijava na Javni poziv za subvencioniranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo" – NE OTVARATI".

Prijave kandidata iz objekata kolektivnog stanovanja iz tačke II 1. a) i b) se dostavljaju putem predstavnika etažnih vlasnika.

Javni poziv ostaje otvoren šezdeset (60) dana od dana objavljivanja.

Javni poziv će biti objavljen u dnevnim listovima Oslobođenje i Dnevni avaz, te na web stranici Kantona Sarajevo.

Prijave koje su neblagovremene, koje ne ispunjavaju uslove iz tačke II i tačke IV Javnog poziva i koje su nepotpune, Komisija neće razmatrati.

Nacrt rang liste Komisija objavljuje na oglasnoj ploči Kantona Sarajevo i web stranici Kantona Sarajevo. Na Nacrt rang liste kandidat može Komisiji uložiti prigovor uz odgovarajuće dokaze, u roku od sedam (7) dana od dana objavljivanja.

Komisija razmatra prigovor, nakon čega informiše podnosioca prigovora o donesenoj odluci po prigovoru i utvrđuje Prijedlog rang liste koji se dostavlja ministru. Konačnu rang listu potvrđuje Ministar prostornog uređenja, građenja i zaštite okoliša Kantona Sarajevo i objavljuje na oglasnoj ploči Kantona Sarajevo i web stranici Kantona Sarajevo.

MINISTAR

Enver Hadžiahmetović, dipl.ing.maš.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1

